

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

288/2019 Foru Agindua, urriaren 28koa, zeinaren bidez Arabako Hirigintza Intereseko Elkartearen Erregistroan inskribatzen baita Gasteizko Hiri Antolamendurako Plan Orokorreko Zabalganako 2 eta 3 sektoreetako konpentsazio batzordean egindako aldaketa, hots, zuzendaritza organoko karguak berritzea

Lehenengoa. Arabako Foru Aldundiaren Erregistro Orokorreko 2019ko urriaren 9ko sarrera data duen idazki baten bidez, Gasteizko Udalak bidali du Gasteizko Hiri Antolamendurako Plan Orokorreko Zabalganako 2 eta 3 sektoreetako konpentsazio batzordeko idazkariak egindako ziurtagiria, zuzendaritza organoko karguak berri direla jakinarazteko, Arabako Hirigintza Intereseko Elkartearen Erregistroan inskriba dadin.

Bigarrena. Zabalganako 2 eta 3 sektoreetako konpentsazio batzordea Arabako Hirigintza Intereseko Elkartearen Erregistroan inskribatu zen Herrilan eta Hirigintza Saileko foru diputatuaren urriaren 4ko 955/2001 Foru Aginduaren bitartez.

OINARRI JURIDIKOAK

Lehenengoa. Hirigintza kudeatzeko arautegia onetsi zuen abuztuaren 25eko 3288/1978 Errege Dekretuak 164. artikuluan xedatzen du ezen, konpentsazio batzordeetan gertatzen diren gorabeherak, hala nola zuzendaritza organorako izendapenen aldaketak, hirigintza entitate laguntzaileen erregistroari jakinaraziko zaizkiola, diharduen administrazioaren bitartez.

Gasteizko Udalak egindako jakinarazpenari erantzen zaio 2019ko irailaren 10ean egindako ziurtagiria, zeinak jasotzen baitu Gasteizko Hiri Antolamendurako Plan Orokorreko Zabalganako 2 eta 3 sektoreetako konpentsazio batzordearen batzar orokorrak 2019ko uztailaren 23ko bileran hartutako erabakia. Hain zuzen, erabaki hori zuzendaritza organoko karguen berritzea dela-eta hartu zen, hura osatuko duten pertsonak izendatzeko, zeinen izenak agiri horretan jaso baitira.

Bigarrena. Aplikagarria da Arabako Lurralde Historikoko Hirigintza Intereseko Elkartearen Erregistroa sortu eta arautzen duen Diputatuen Kontseiluaren irailaren 20ko 56/2011 Foru Dekretuan aurreikusitakoa.

Hirugarrena. Lurralde Antolamenduari eta Hirigintzaren Zerbitzuak txosten arrazoitua aurkeztu du, eta jakinarazitako aldaketa erregistroan inskribatzea proposatu du.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Agintzea Arabako Hirigintza Intereseko Elkartearen Erregistroan inskriba dadila Gasteizko Hiri Antolamendurako Plan Orokorreko Zabalganako 2 eta 3 sektoreetako konpentsazio batzordean egindako aldaketa, hots, zuzendaritza organoko karguak berritzea. Hona hemen:

– Lehendakaria: Ana Oregi Bastarrika;

– Idazkaria: Eduardo Bárbara Gutiérrez;

– Kideak: Miguel Ángel García Fresca, Álvaro Iturritxa Vélez de Elburgo, Iñaki Díez Unzueta, Francisco Javier Sáenz de Valluerca, Juan Beitia Leiva, Sergio Ruiz de Azúa Gil eta Aitor Muñoa Urbina.

Bigarrena. Ebazpen hau ALHAOn argitaratzea.

Gasteiz, 2019ko urriaren 28a

Ingurumen eta Hirigintza Saileko foru diputatua
JOSEAN GALERA CARRILLO